

ZAPISNIK
SA X PROŠIRENE SJEDNICE UPRAVNOG ODBORA
UDRUŽENJA POSLODAVACA FBIH

održane dana 10.10.2017. godine (utorak), sa početkom u 10:00 časova, u hotelu „Bosnia“
(Sala Bosna II), adresa: Kulovića 9., Sarajevo

Sjednici su prisustvovali članovi Upravnog odbora UPFBiH: Adnan Smailbegović, Tomislav Slišković, Adisa Karahodžić, Suhad Ećo, Kemal Čolak, Izet Imamović.

Sjednici su po ovlaštenju članova Upravnog odbora UPFBiH prisustvovali: Aida Hidić (po ovlaštenju Snježane Kopruner), Amir Međić (po ovlaštenju Ramiza Grapkića), Ivan Mihaljević (po ovlaštenju Maria Čulina), Edin Ibrahimpašić (po ovlaštenju Kemala Hrnjića), Nihad Imširović (po ovlaštenju Rusmira Hrvića) i Sadeta Abduzaimović- Filipović (po ovlaštenju Nijaza Skenderagića).

Sjednici nisu prisustvovali članovi Upravnog odbora UPFBiH: Nurdin Peštalić, Vilima Primorca Safudin Čengiđ, Milenko Čolak, Sanel Kusturica, , Marin Raspudić, Ante Suton, Enisa Bekto i Eldin Hadžiselimović, koji su opravdali svoje odsustvo.

Sjednici su prisustvovali članovi ESV-a za teritoriju FBiH: Zoran Gazibarić i Edin Ibrahimpašić.

Sjednici su prisustvovali i predstavnici poslodavaca: Salem Ekmešćić i Eldin Tabučić.

Ispred UP FBiH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBiH Adnan Smailbegović i predložio slijedeći:

DNEVNI RED

1. Usvajanje Zapisnika sa IX proširene sjednice UO;
2. Razmatranje materijala za sjednicu ESV-a;
 - a) Nacrt Zakona o zaštiti na radu;
 - b) Nacrt Zakona o mirnom rješavanju radnih sporova;
 - c) Nacrt Zakona o koncesijama;
 - d) Prednacrt Zakona o ugostiteljstvu Federacije BiH;
 - e) Uredba o postupku vanrednog nadzora u privrednim društvima od sistemskog značaja za Federaciju BiH;
 - f) Stav UPFBiH o subvencioniranju radnika državnih preduzeća za odlazak u penziju;
3. Razmatranje Inicijative EZ d.o.o. Busovača vezano za zabranu plasiranja hemijskih proizvoda iz FBiH u RS;
4. Potvrđivanje Odluke Izvršnog odbora o obilježavanju Dana poslodavaca i ustanovljavanju nagrade „Emerika Bluma“;

5. Potvrđivanje Odluke Izvršnog odbora o kupovini poslovnog prostora i kreditnom zaduženju za djelimično finansiranje kupovine istog;
6. Potvrđivanje Odluke Izvršnog odbora o pokretanju inicijative za izmjene Općeg kolektivnog Ugovora za teritoriju FBiH;
7. Potvrđivanje Odluke Izvršnog odbora o imenovanju pregovaračkog tima za vođenje pregovora i zaključivanje izmjena i dopuna Općeg kolektivnog Ugovora za teritoriju FBiH;
8. Tekuća pitanja.

Pod tačkom tekuća pitanja predsjednik Tomislav Slišković, kandidovao je sljedeće:

- a) problem nemogućnosti urednog snabdijevanja poslovnih objekata koji se nalaze uz saobraćajnice u Kantonu Sarajevo, a zbog primjene čl. 40. Zakona o uređenju saobraćaja na području KS („Službene novine Kantona Sarajevo“ broj 30/17).

Dnevni red je uz dopunu predsjednika UO UP FBiH jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa IX proširene sjednice UO UP FBiH

Predsjednik UO je obavijestio članove UO UP FBiH da su dobili materijale za sve tačke Dnevnog reda uključujući i Zapisnik i zamolio da se izjasne da li imaju primjedbi. Na pomenuti zapisnik nije bilo primjedbi.

A.D.1.: Zapisnik sa IX proširene sjednice UO UP FBiH je jednoglasno usvojen.

Tačka 2a) Nacrt Zakona o zaštiti na radu;

Direktor Mladen Pandurević je upoznao prisutne sa ovom tačkom dnevnog reda. Udruženje poslodavaca FBiH je aktivno učestvovalo u izradi nacrta Zakona o sigurnosti i zaštiti na radu. **Prilikom pripreme Nacrta Zakona formirana je Radna grupa** u kojoj su učestvovali socijalni partneri i tom prilikom je Udruženje uložilo primjedbe koje su bile uključene u tekst.

Obzirom da određene primjedbe nisu bile usaglašene sukladno zaključcima ESV-a socijalni partneri su 09.03.2016 godine održali sastanak na kojem potpisali Sporazum o usaglašenim primjedbama koje su dostavljene Ministarstvu za rad i socijalnu politiku 17.03.2016. godine.

Dostavljene primjedbe koje su usaglasili socijalni partneri su ugrađene u Nacrt Zakona o sigurnosti i zaštiti na radu i takav tekst je podržan od strane Ekonomsko socijalnog vijeća i data saglasnost da se uputi u parlamentarnu proceduru.

Međutim, **posljednja verzija iz septembra 2017. godine je pretrpjela promjene i određena rješenja u novom tekstu Nacrta su u potpunosti u suprotnosti sa odredbama koje su usaglasili socijalni partneri i koje je podžalo Ekonomsko socijalno vijeće za teritoriju FBiH.**

Amandmani koje Udruženje ulaže na tekst Nacrta Zakona su bili usvojeni tokom pregovora i sastavni dio Sporazuma koji su potpisali socijalni partneri 09.03.2016. godine i ugrađeni u Nacrt Zakona koji je podržan od strane ESV-a.

Nakon rasprave doneseni su sljedeći zaključci:

A.d.2a. 1. Usvajaju se primjedbe koje su date na Nacrt Zakona o sigurnosti i zaštiti na radu a koje se odnose na članove koji su bili dogovoreni sa Sindikatom i podržani od strane ESV-a koje čine sastavni dio zapisnika.

A.d. 2a.2. Delegacija ESV-a će na sjednici ESV-a zahtjevati da se Rješenja za pitanja o kojima postoji Sporazum sa Sindikatom ponovno vrata u tekst Nacrta Zakona o zaštiti na radu.

Tačka 2b) Nacrt Zakona o mirnom rješavanju radnih sporova;

Direktor Mladen Pandurević je upoznao prisutne da je Udruženje imalo sastanak sa Sindikatom i predstavnicima Vlade te da je na pomenutom sastanku većina primjedbi Udruženje usvojena. Udruženje poslodavaca je pripremlilo dodatne primjedbe koje su tehničke prirode.

Nakon rasprave doneseni su sljedeći zaključci:

A.D.2b. 1. Udruženje poslodavaca podržava donošenje Nacrta Zakona.

A.d. 2b. 2. Usvajaju se primjedbe koje su date na Nacrt Zakon o mirnom rješavanju radnih sporova koje čine sastavni dio zapisnika.

Tačka 2c) Nacrt Zakona o koncesijama;

UPFBiH smatra da Nacrt zakona ima i formalne i suštinske nedostatke, te da nije u potpunosti usaglašen sa normama Evropske unije iz ove oblasti, te da je suprotan odredbama Evropske povelje o lokalnoj samoupravi.

Generalne primjedbe: Nacrt Zakona nije uveo lokalnu samoupravu u sistem koncesija što je u suprotnosti sa Zakonom o principima lokalne samouprave u FBiH (općinama/gradovima je u potpunosti uskraćeno pravo da bude potencijalni koncesor). Ovakvo rješenje je protivno i odredbama Evropske povelje o lokalnoj samoupravi; Općinska/ Gradska vijeća moraju dati saglasnost a ne mišljenja za uspostavljanje koncesionog odnosa na onim resursima koji su na teritoriji jedinice lokalne samouprave; Razgraničiti predmete koncesije na obnovljive i neobnovljive te u skladu s tim utvrditi visinu koncesione naknade; Tačno definisati rok za korištenje koncesionih dobara gdje se mora voditi računa o amortizaciji uloženi sredstava; Potrebno je tačno definisati upravni inspeksijski nadzor kao i druga pitanja od značaja za dodjelu koncesije; Nadalje, ponuđeni Nacrt zakona nije usklađen sa mnogim zakonima koji su u direktnoj vezi sa koncesijama kao što su zakonom o javnim nabavkama; Zakona o bankama; Zakonom o stvarnim pravima, Okvirnim zakonom o zalozima BiH; Posebno je naglašena nedorečenost, nedovoljna preciznost pojedinih odredbi, pa se nameće pitanje u kojoj bi mjeri eventualni podzakonski akti uopće uspjeli precizirati detalje koji nisu obrađeni u samom Zakonu, te koliko bi to doprinijelo efikasnom provođenju regulative i odvijanju procesa u oblasti koncesija;

Zakonom se mora precizno i jasno definisati status postojećih Ugovora o koncesijama u momentu stupanja na snagu ovog Zakona. Predloženom odredbom Zakona ostaje nejasno na koje Ugovore se odnosi te da li je zagantovano da će Koncesionari i dalje dobiti postojeće koncesije; Potrebno je Zakonom definisati odgovornost Koncesora u pogledu uvođenja Koncesionara u posjed u vremenskom perioda korištenja koncesije.

Nakon rasprave doneseni su sljedeći zaključci:

A.D.2c 1. Delegacija poslodavaca na ESV-u će s obzirom na važnost koncesije za poslodavce, tražiti da se generalne primjedbe UPFBiH uvažavaju. Generalne primjedbe su sastavni dio zapisnika.

A.D. 2c. 2. UPFBiH će u narednom periodu pripremiti konkretne primjedbe u formi Amandmana i dostaviti nadležnim institucijama sa zahtjevom da se ugrade u konačan tekst Zakona.

Tačka 2d. Prednacrt Zakona o ugostiteljstvu Federacije BiH;

Udruženje poslodavaca je uputilo svim članicama iz oblasti ugostiteljstva Prednacrt Zakona sa zahtjevom da dostave svoje primjedbe. Nakon dostavljenih primjedbi Stručna služba je pripremila Primjedbe u formi Amandmana.

Nakon rasprave doneseni su sljedeći zaključci:

A.D.2. 1. Usvajaju se primjedbe koje su date na Prednacrt Zakona o ugostiteljstvu.

Tačka 2e. 1. Uredba o postupku vanrednog nadzora u privrednim društvima od sistemskog značaja za Federaciju BiH;

Vezano za ovu tačku Zakona tokom diskusije iznesene su sljedeće primjedbe:

Primjedba UPFBiH na član 3. je da se u stavu 1. tačka a) i b) iz uslova isključe radnici i da se prihod smanji sa 500 na 200 miliona.

Primjedba UPFBiH na član 4. Primjedba UPFBiH je da se u stavu 2. tačka g) preformuliše „Zabrana raspolaganja imovinom društva i imovinom povezanih društava osim uz prethodno pribavljenu saglasnost povjerenika.“ –Povjerenik kao termin je nedefinisano.

Primjedba UPFBiH je da se rok primjene Uredbe sa 90 dana pomjeri na 12 mjeseci.

Nakon rasprave doneseni su sljedeći zaključci:

A.D.2e. 1. Usvajaju se primjedbe koje su date na Uredbu o postupku vanrednog nadzora u privrednim društvima od sistemskog značaja za Federaciju BiH koje čine sastavni dio zapisnika.

Tačka 2f. Stav UPFBiH o subvencioniranju radnika državnih preduzeća za odlazak u penziju;

Vlada FBiH umjesto najavljenog „poboljšanja poslovnog ambijenta i snižavanja cijene rada“ na koje se obavezala Reformskom agendom, u protekle dvije i po godine kontinuirano predlaže zakone i

donosi uredbe i odluke kojima se dodatno povećavaju troškovi proizvodnje, cijena rada i smanjuje konkurentnost privrede FBiH.

Vlada FBiH je početkom septembra 2017. godine, umjesto donošenja Zakona o uvezivanju radnog staža kojim je bilo predviđeno uvezivanje radnog staža za privatna i javna preduzeća i koji je podržan od strane ESV-a, ponovila Javni poziv za kandidovanje programa utroška preostalih sredstava utvrđenih u razdjelu 17. Budžeta FBiH za 2017. godinu u Federalnom ministarstvu energije, rudarstva i indstije „tekući transferi i drugi tekući rashodi – subvencije javnim preduzećima za uplatu doprinosa za PIO/MIO u svrhu penzionisanja zaposlenika“. Za ovu svrhu Vlada FBiH je u Budžetu za 2017. godinu izdvojila ukupno 1,5 miliona KM.

Pravo učešća na ponovljenom javnom pozivu imaju javna preduzeća sa sjedištem u Federaciji Bosne i Hercegovine, preduzeća sa većinskim učešćem državnog kapitala (preduzeća u čijem osnovnom kapitalu je državni kapital zastupljen sa više od 50 % ukupnog kapitala, kao i njihovih zavisnih društava) čija je osnovna djelatnost vezana za Metalna, elektro i automobilska industrija, Građevinska industrija, Drvna, papirna i grafička industrija, Proizvodnja tekstila, kože i obuće, Hemijska industrija i industrija gume i plastike, Namjenska industrija, te da zapošljavaju najmanje 50 zaposlenika i da nisu bili korisnici grant sredstava po prethodnom javnom pozivu.

Na ovaj način Vlada je stavila u neravnopravan tretman javna i privatna preduzeća od strane institucija vlasti FBiH, a na štetu privatnih kompanija i poslodavaca.

Diskriminacija direktno dovodi do neravnopravnog položaja osiguranika zaposlenih u privrednim subjektima a na osnovu vlasničke strukture tog privrednog subjekta. Apsurdno je da neko ko radi u firmi gdje je učešće državnog kapitala 51%, ostvaruje pravo na uvezivanje radnog staža, a neko ko radi u firmi u kojoj je učešće državnog kapitala 49% ili privatno vlasništvo, ne ostvaruje isto pravo.

Bitno je napomenuti da na spisku najvećih dužnika za poreze, doprinose, naknade i druge takse kojeg je objavila Porezna uprava Federacije BiH krajem juna ove godine, među prvih 10 kompanija koje budžetu FBiH duguju stotine miliona KM nema niti jedne privatne kompanije, a dug javnih kompanija po ovom osnovu je iz dana u dan sve veći.

UPFBiH smatra da je potrebno sistemski riješiti pitanje dugovanja javnih preduzeća, omogućiti ravnopravan tretman državnih i privatnih preduzeća pri uvezivanju radnog staža, naplati poreza i doprinosa, provođenju kontrolnih mjera inspekcijskog i drugog nadzora, primjena Zakona o stečaju i slično.

Nakon rasprave doneseni su sljedeći zaključci:

A.D.2f. 1. UO UPFBiH je zauzeo stav koji će na sjednici ESV-a prezentirati članovi delegacije poslodavaca ESV-a koji je sastavni dio zapisnika.

Stav UPFBiH je da je potrebno sistemski riješiti pitanje dugovanja javnih preduzeća, omogućiti ravnopravan tretman državnih i privatnih preduzeća pri uvezivanju radnog staža, naplati poreza i doprinosa, provođenju kontrolnih mjera inspekcijskog i drugog nadzora, primjena Zakona o stečaju i slično.

Tačka 3. Razmatranje Inicijative EZ d.o.o. Busovača vezano za zabranu plasiranja hemijskih proizvoda iz FBiH u RS;

Salem Ekmešćić je upoznao prisutne da Vlade FBiH i RS bez obzira na obećanja još uvijek nisu otklonile probleme koje iz ove oblasti. Predložio je da UPFBiH ponovo inicira ovo pitanje.

Nakon diskusije donesen je sljedeći zaključak:

A.D. 3.1. Uputiti dopis prema Vladi FBiH i inspekcijama sa zahtjevom da se po ovom pitanju poštuje princip reciprociteta. Također dopis uputiti Evropskoj delegaciji.

Tačka 4. Potvrđivanje Odluke Izvršnog odbora o obilježavanju Dana poslodavaca i ustanovljavanju nagrade „ Emerika Bluma“;

A.d. 4.1. Potvrđuje se Odluka Izvršnog odbora o obilježavanju Dana poslodavaca i ustanovljavanju nagrade „ Emerika Bluma“ broj I-294/17

Tačka 5. Potvrđuje se Odluke Izvršnog odbora o kupovini poslovnog prostora i kreditnom zaduženju za djelimično finansiranje kupovine istog;

A.d. 5.1. Potvrđuje se Odluka Izvršnog odbora o kupovini poslovnog prostora i kreditnom zaduženju za djelimično finansiranje kupovine istog I-293/17

Tačka 6. Potvrđivanje Odluke Izvršnog odbora o pokretanju inicijative za izmjene Općeg kolektivnog Ugovora za teritoriju FBiH;

A.d. 6.1. Potvrđuje se Odluka Izvršnog odbora o pokretanju inicijative za izmjene Općeg kolektivnog Ugovora za teritoriju FBiH broj I-295/17

Tačka 7. Potvrđivanje Odluke Izvršnog odbora o imenovanju pregovaračkog tima za vođenje pregovora i zaključivanje izmjena i dopuna Općeg kolektivnog Ugovora za teritoriju FBiH;

A.d. 7.1. Potvrđuje se Odluka Izvršnog odbora o imenovanju pregovaračkog tima za vođenje pregovora i zaključivanje izmjena i dopuna Općeg kolektivnog Ugovora za teritoriju FBiH broj I- 296/17.

Tačka 8. Tekuća pitanja.

Pod tekućim pitanjima raspravljalo se

- a) problem nemogućnosti urednog snabdijevanja poslovnih objekata koji se nalaze uz saobraćajnice u Kantonu Sarajevo, a zbog primjene čl. 40. Zakona o uređenju saobraćaja na području KS („Službene novine Kantona Sarajevo“ broj 30/17).

Nakon rasprave donesen je sljedeći zaključak:

A.d. 8.1. Stručna služba UPFBiH će Inicijativu za rješavanje ovog problema proslijediti Udruženju poslodavaca na nivou KS sa zahtjevom da se delegira na prvoj narednoj sjednici UO.

Sjednica se završila u 12:15 sati

Zapisnik sačinila: Mersiha Jusić

Predsjednik UO
Adnan Smailbegović